

B O S N A I H E R C E G O V I N A
FEDERACIJA BOSNE I HERCEGOVINE
UNSKO – SANSKI KANTON
GRAD BIHAĆ
GRADONAČELNIK

Služba za urbanističko planiranje, građenje,
imovinsko-pravne i geodetske poslove



Na osnovu člana 132. stav 11. Zakona o prostornom uređenju i građenju („Službeni glasnik Unsko-sanskog kantona“ br.12/13, 3/16 i 15/20) i člana 3. Pravilnika o tehničkom pregledu građevina („Službeni glasnik Unsko-sanskog kantona“ br. 11/17), Gradonačelnik putem Službe za urbanističko planiranje, građenje, imovinsko-pravne i geodetske poslove, o b j a v l j u j e:

J A V N I P O Z I V

**za podnošenje prijave za učešće u radu komisija za tehnički pregled građevina za koje
odobrenje za upotrebu izdaje gradski organ uprave Grada Bihaća**

I

Pozivaju se sva zainteresovana stručna lica, odnosno specijalisti za pojedine oblasti da podnesu prijave za učešće u radu komisija za vršenje tehničkog pregleda građevina za koje odobrenje za upotrebu izdaje gradski organ uprave Grada Bihaća, i to slijedećih struka:

1. Arhitektonske,
2. građevinske,
3. elektrotehničke,
4. mašinske,
5. saobraćajne,
6. tehnološke,
7. zaštite okoliša,
8. zaštite na radu,
9. zaštite od požara i eksplozija,
10. zaštite kulturno-historijskog nasljeđa

II

Na javni poziv mogu se prijaviti lica koja imaju završenu visoku stručnu spremu sedmi stepen ili diploma visokog obrazovanja I stepena (240 ETCS), drugi i treći stepen ciklusa Bolonjskog sistema obrazovanja iz navedenih struka, najmanje 5 (pet) godina radnog iskustva u struci i položen stručni ispit.

III

Prijava na Javni poziv treba da sadrži:

- ime i prezime stručnog lica sa tačnom adresom, brojem telefona i e-mailom;
- naznaku oblasti za koju se prijavljuje, kao i naznaku uže oblasti (ukoliko posjeduje posebni dokaz o završenom programu obuke, specijalizaciji ili sl.).

Uz prijavu je potrebno je priložiti slijedeće dokumente u originalu ili ovjerenoj kopiji:

- diplomu o završenom fakultetu,
- uvjerenje o radnom iskustvu iz tačke II javnog poziva,
- uvjerenje o položenom stručnom ispitu,
- druge dokaze o sticanju naučnog zvanja, stručnom osposobljavanju za posebne oblasti predviđenom posebnim propisima, ukoliko se lice opredjeljuje za posebnu užu oblast u okviru određene struke.

IV

Stučna lica koja su imala učešće u radu Komisije za tehnički prijem građevina po prethodnom javnom pozivu nisu dužna prilagati dokaze iz tačke III, već uz Prijavu prilažu izjavu kojom potvrđuju da ispunjavaju uslove ovog Javnog poziva, obzirom da se dokumentacija nalazi u Arhivi Grada Bihaća.

V

Doktori i magistri tehničkih nauka iz oblasti za koju se prijavljuju uz Prijavu prilažu rješenje o oslobađanju obaveze polaganja stručnog ispita umjesto uvjerenja o položenom stručnom ispitu.

VI

Prijave sa potrebnom dokumentacijom podnose se u roku od 15 dana od dana objavljivanja Javnog poziva u sredstvima javnog informisanja, neposredno na protokol Grada Bihaća ili putem pošte na adresu:

GRAD BIHAĆ

**Služba za urbanističko planiranje, građenje,
imovinsko-pravne i geodetske poslove**

Ulica Bosanska br. 4

Bihać

sa naznakom „**Prijava na učešće u radu komisija za tehnički pregled građevina
za koje odobrenje za upotrebu izdaje organ uprave Grada Bihaća**“

Nepotpune i neblagovremene prijave neće se razmatrati.

Broj: 03/1-11-3471/21

Bihać, 18.06.2021.godine

Gradonačelnik
Šuhret Fazlić